



3810

Mag. St. Dr. *relig.*




juicy 2564.

1872.

Gotas de leite.

1872.

~~Duerys~~



1786
ARS TYPOGRAPHICA

PREMISLIENSIS

ILLUSTRISSIMO REVERENDISSIMO

DOMINO DOMINO

ANTONIO

GOLASZEWSKI

NOMINATO EPISCOPO

PREMISLIENSI

GRATULATUR

SEQUER

PRÆSIDIO MAXIMO

TUETUR.

[1786.]

BIBLIOTHECA
VNIV. IAGELL.
CRACOVIENSIS

3810. III.



Tua hæc Præsul Illustrissime, divoque Orbis Thaumaturgo ANTONIO Sacra Festivitas effecit: ut mutam à longo tempore Typographiam, cum auspiciatissimum Natalis Tui Sydus affulgeret, Preli signis perorantem conspicias. Quæ sanè vel ex hoc admirationè digna videtur; quod ubi se ad hujusmodi Festorum solemnitatem exiguam sentiret, tum ad eam, si dignè non exornandam, justis saltem ac necessariis meritis prosequendam venire præsumpsisset. Et quia tamdiu se latere pati non poterat, dum ad Te Salute ac reverentiali Veneratione prosequendum confluentem undique sacram Honoratorum Virorum turbam cerneret, ut & ipsa horum è numero, qui Tibi digna precantur excluderetur: Novit enim tantam Tibi inditam virtutem, tantam inesse Sapientiam, tantum in rebus gerendis modum, ut non inani verborum cortice capereris; sed nucleum sagacitate ingenii ultro expeteres. Et ideo

Quæ Tibi debetur laus hinc CELSISSIME PRAESUL

Isthæc nunc nostro de lare venit Ave!

Ars Te nostra libens, PRAESUL! meritoque Patronum
Optat, & hoc votis ambitiosa petit.


Profari quam lingua nequit, quam gaudia nudant
Scribere, sed plausum sic dare jussit amor.

Quisquis adest faveat, plausumque decenter adorne
Lux etenim festis plausibus apta micat.

Plaudatis Heliconæ Deæ cantusque mōvete ,
 Concentusque procul mobilis aurā vekat.
 Grata DEO rediit Tua lux, per grata Clienti
 Grata mihi: Generi grata Tuoque, meo.
 Fausta Polo teramæna dies, pretiosior auro
 Nobilior gemmis India fulve tuis.
 Cedite ferales sub ahenea claustra Sorores
 Nulla seccet Vitæ Stamina longa Tuæ
 Hinc procul immites condant Dea Pallida falces
 Vitæ fata absint invidiosa Tuæ
 Sit vegetus candor, moderata rubedo genarum,
 In facie vernet Gratia, Vivat Io!
 Opto subjectam stabili preme calce Cathedram
 Et stabili plebem dirige voce Tuam
 Nestoreos utinam vivas (Deus audiat) Annos
 Sæcla utinam Pilii sint Tibi visa Seni.
 Et dum repletus meritis plenusque dierum
 Ad Patrios ibis, tecta beata lares
 Diva sed in terris recitabit nomina virtus
 Quando Polo promet mens Tua suave melos,
 His ut Te ferò potiantur sydera, quando
 Sospiro stabili Carmine. Vive Vale.



stdr0026582



Biblioteka Jagiellońska



stdr0026582

